

## Կարինե ԲԱԶԵՅԱՆ

### ՇԻՐԱԿԻ ԱՐԴԻ ԱՐՀԵՍՏՆԵՐԸ (ըստ 2012թ. իրականացված դիտանցման)

Շիրակը Հայաստանի պատմազգագրական այն եզակի մարզերից է, որի բնակչության տնտեսական կենցաղում դարեր շարունակ երկրագործության ու անասնապահության կողմին կարևոր տեղ են գրավել տնայնագործությունն ու արհեստները։ Դա պայմանավորված էր նախ արհեստաշատ Գյումրի /Ալեքսանդրապոլ-Լենինական/ քաղաքի գոյությամբ, ինչպես նաև մարզի ռազմավարական դիրքով։ Հայաստանի թերևս ոչ մի պատմազգագրական շրջանում, առավել ևս քաղաքում, ավանդական արհեստներն այդպես երկարակյաց ու պահպանողական չեղան, ինչպես Շիրակում, որտեղ ավանդությանն ու ժամանակակիցը գուգահեռ, գոյատևելով, ինչպես նաև համաձուլվելով, նոր որակներ ծննեցին։

Աղետայի երկրաշարժը, որը մարդկանց գրկեց կենսապայմաններից, ապա անցումը շուկայական հարաբերություններին, որը խորացրեց սոցիալական հակասությունները և քաղաքական քարդ իրադրությունը, որում հայտնվեց հանրապետությունը, ծանր հետևանքներ ունեցան Շիրակի բնակչության համար։ Ինչ-որ ձևով գոյատևելու համար շիրակցիների մեծ մասը վերադարձավ դեպի ավանդական տնտեսաձևերը՝ զրադարձով «պապենական» արհեստներով։<sup>1</sup> Անկախ պետականության ստեղծումով նոր հետանկարներ բացվեցին ավանդական արհեստների զարգացման համար։ Պետությունը խթանում էր արհեստների ու տնայնագործության աճն ու քաղմացումը՝ տրամադրելով վարկեր, օգնելով արհեստավորական արտադրանքի իրացմանը, համարելով դրանք ստեղծված ծանր սոցիալ-տնտեսական պայմաններից դուրս գալու միջնորդությունը։

XX դարավերջին և XXI դարասկզբին ավանդական արհեստների և տնայնագործական զրադարձների մեջ կատարված փոփոխությունները վերհանելու, ավանդական մշակույթի պահպանվածության աստիճանը գրանցելու, արժեքները փաստաթրափորելու նպատակով 2012թ. օգոստոս-հոկտեմբեր ամիսներին Շիրակի մարզում իրականացվեց դիտանցում /նոնիստրիճագ/。<sup>2</sup> Դիտանցման աշխատանքների ընթացքում կատարվեց մարզում առկա արհեստների սկզբնական ուսումնասիրում՝ զրանցում, նկարագրում, փաստաթրափորում։ Ստորև ներկայացվում են դիտանցման արդյունքները, որոնք համարվել են XIX դ. վերջին առկա նյութերի և տվյալ խնդրին առնչվող պատմազգագրական գրականության մեջ լուսաբանված տվյալներին։<sup>3</sup> Վերոհիշյալ նյութերի նախնական վերլուծությունը բոլոր տվյալների և բացահայտել մի շարք կարևոր խնդիրներ։

ա) Շիրակի մարզում և Գյումրի քաղաքում գործող ավանդական արհեստների պահպանվածության գրանցման արդյունքում ստեղծվեց արհեստների և տնայնագործական մակարդակի զրադարձների ցուցակ, ինչպես նաև արհեստավորների

<sup>1</sup> Գ.Աղանյան, Վ.Բագեյան, Տնային տնտեսությունները Շիրակի բնակչության արդի կենցաղում, ԳԱԱ ՇՀՀԿ «Գիտականաշխատություններ», հ. V, Գյումրի, 2002, էջ 71:

<sup>2</sup> Դիտանցումն իրականացվել է ՀՀ մշակույթի նախարարության «Հովհ. Շարամբեյանի անվան ժողովրդական ստեղծագործության կենտրոն» ՊՈԱԿ-ի կողմից։

<sup>3</sup> Դիտանցման ընթացքում հավաքած բոլոր նյութերը գտնվում են Հովհ. Շարամբեյանի անվան ժողովրդական ստեղծագործության կենտրոնում և ՀՀ մշակույթի նախարարությունում։

տվյալների ու նրանց աշխատանքների համապարփակ բազա, որոնց հիման վրա կազմվել է համապատասխան մանրամասն քարտեզ (տե՛ս տախտակ 1):

բ) Դիտանցումը լույս ավոտեց արհեստների զարգացման գործընթացի ու դրա արդյունքում կատարված փոփոխությունների, մասնավորապես նախորդ դարում և մեր օրերում ավանդական արհեստների ներսում կատարված փոխակերպումների, մասնագիտական վերաբրակավորումների, ինչպես նաև որպես դրանց արդյունք հանդիսացող նոր արհեստագործական ճյուղերի առաջացման խնդրի վրա:

գ) Բացահայտվեցին տվյալ ժամանակահատվածում պահպանված արհեստների հարատևման պատճառները, որոնք պայմանավորված են տարրեր ժամանակահատվածներին բնորոշ տնտեսական և սոցիալական պայմանների թելադրությամբ առաջացած պահանջարկով (օր. ՀՀ-ում էներգետիկ ճգնաժամի տարիներին թիթեղագործական և վառարանագործական արտադրանքի նկատմամբ առաջացած մեծ պահանջարկը և որպես հետևանք՝ այդ արհեստների համատարած վերածնությունը):

դ) Արհեստավորների սեռատարիքային խնդերի, կանանց և տղամարդկանց ներգրավվածության տարածամանակյա և համաժամանակյա (խոսքը վերաբերում է տնայինագործական գրադմունքների ավանդական և ժամանակակից եղանակներին) համեմատական վերլուծությունը ցույց տվեց, որ արհեստների սեռային բաժանման մեջ էական փոփոխություններ չեն կատարվել:

ե) Հաշվի առնելով տնայնագործական արտադրության ձևերի և դրանց տեխնոլոգիական առանձնահատկությունների գրանցումը, նաև նոր գրադմունքների (տիկնիկագործություն, մաքրամե, գորեկենագործություն և այլն) առանձնահատկությունները, որոնք հիմնականում դրսեկ ազդեցությունների և միջնշակութային հադրդակցության հետևանք են/ հնարավորություն տվեց հաստատագրել ձեռքի աշխատանքի ու ավանդական աշխատաեղանակների պահպանումը մասնակի ձևափոխություններով, որոնք կապված են էլեկտրական էներգիայի ու որոշ նոր սարքավորումների կիրառման հետ:

զ) Գեղարվեստական արհեստներում ավանդական զարդանախշերի ու նորանուծությունների հարաբերակցության ուսումնակրությունը բացահայտել մի շարք էական փոփոխություններ, որոնք կապված են բնակչության արժեհամակարգի փոփոխության, նոր մշակութային համակարգի առաջացման ու օտարամուտ այլ երևույթների հետ:

Ինչպես վերը նշվեց, Ծիրակի արհեստագործական մշակույթի հիմնական կրողը և բազմազանությունն ապահովող ի սկզբանե Աղեքասանդրապոլ-Լենինական-Գյումրի քաղաքն էր, որը մեր օրերում ևս պահպանել է ավանդական գրադմունքների մի մասը: XIX-XXդդ. քաղաքային արհեստների մեջ առանձնառում էին հետևյալ մեծ ճյուղերը կամ «մայր արհեստները». Հինարարական արհեստներ (քարտաշ-որմնադրություն, աղբյուրաշինություն, ծեփագործություն, ներկարարություն և այլն), մետաղամշակություն (երկարագործություն, զինագործություն, ուլերիչ-արծաթագործություն, պղնձագործություն, գույնագործություն և այլն), փայտամշակություն (հյուսնատարածագործություն և այլն), ուստայնանկություն (ասեղնագործություն, ժամենակագործություն, կտավագործություն, գորգագործություն և կարպետագործություն, պարանագործություն, զգրարություն և այլն), սննդի արտադրություն (հացթուխություն, կրուշակեղենի արտադրություն, մասգործություն, գարեջրագործություն, օղերորում և այլն), կաշեգործություն, օճառագործություն, ներկելու և դաշելու հետ կապված արհեստներ և այլն: Յուրաքանչյուր մայր արհեստ, ինչպես ընդունված էր հայկական բոլոր նշանակոր արհեստավորական քաղաքներում, տրոհվել էր խիստ մասնագիտացված ճյուղերի (օրի-

նակ՝ երկաթագործության մեջ առանձնացել էին բուն դարրինները, փականագործները, խառատները, անսատների և կոշիկի պայտեր պատրաստողները, պայտարմները, երկարե օղեր պատրաստողները, անվագործները, թիթեղագործները, ծովողները և այլք. ուսկերչության մեջ՝ արծաթագործները, ոսկերիչները, սևադապատողները, ցանցկեն թեքաշ արծաթագործները և այլք. զինագործության մեջ՝ դանակագործները, հրացանագործները, սրեր և դաշոյններ պատրաստողները, խզակոր շինողները և այլք. դերձակության մեջ՝ տեղական և եվրոպական տարագ կարողները).<sup>4</sup>

Դեռևս XIX դ. երկրորդ կեսին Ռուսական կայսրությունում տեղի ունեցող խոշոր տնտեսական փոխխությունները, սոցիալական-քաղաքական վայրիվերումները և հատկապես կապիտալիստական հարաբերությունների բուռն զարգացման արդյունքում արդյունաբերության հսկայական աճը անդրադարձան հայոց ավանդական արհեստագործության տարրեր ճյուղերի վրա: Եվ դեռևս հիշյալ ժամանակաշրջանում արդեն անկման միտումներ էին նկատվում հայոց ավանդական տնայնագործության և արհեստների մեջ:<sup>5</sup>

Մեր դիտանշնան արդյունքում ստացված նյութերի ուսումնափրությունները ցույց են տալիս, որ Գյումրիում ներկա դրությամբ պահպանվել են հիմնական նայու արհեստները և դեռևս նախորդ դարի կեսերից ասպարեզից դուրս են եկել դրանցում գյություն ունեցած բազմաթիվ ճյուղավորումները: Համեմատության և պատկերավորության համար ստորև բերվող այյուսակում ներկայացնում ենք ավանդական և 2012թ. դրությամբ առկա արհեստները, ինչպես նաև նորարանություններ համարվող զբաղմունքները:

#### Աղեքսանդրապոլ-Գյումրու արհեստների ցանկ

<i>№</i>	<i>Արհեստները 19-րդ դ. վերջին</i>	<i>Արհեստները 2012թ.</i>
1	Աղբյուր կառուցողներ	չկա
2	Սղիքից լար պատրաստողներ	չկա
3	Սղուսագործներ	չկա
4	Սպակեգործներ (ապակի զցողներ)	ապակի զցողներ
5	Անվագործ դարրիններ	չկա
6	Ասեղնագործողներ	ասեղնագործողներ
7	Ատաղձագործներ	ատաղձագործներ
8	Արծաթագործներ	արծաթագործներ
9	Բամբակ զցողներ	չկա
10	Բրուտներ	խեցեգործ
11	Գամ կամ մեխեր պատրաստողներ	չկա
12	Գղրարներ	չկա
13	Գլխարկ կարտողներ	գլխարկ կարտողներ
14	Դաշոյն և բուր պատրաստողներ	չկա
15	Դանակ պատրաստողներ	չկա
16	Դարրիններ	դարրիններ
17	Դեղին մետաղ ձովողներ	չկա
18	Դերձակներ (ասիական)	չկա
19	Դերձակներ (եվրոպական)	դերձակներ
20	Երկարն օղեր և շղրաններ պատրաստողներ	չկա

<sup>4</sup> Գ. Աղանյան, Երկրագործությունը, արհեստները և համբարությունները, Գյումրի. Քաղաքը և մարդիկ, Գյումրի, 2012, էջ 275-276:

<sup>5</sup> Նույնի, Ավանդական արհեստների փոխակերպումները Աղեքսանդրապոլ-Լենինականում (XIXդ. երկրորդ կես-XXդ. առաջին կես), ԳԱԱ ՇՀՀԿ «Գիտական աշխատություններ», հ. IX, Գյումրի, 2006, էջ 47:

21	Երկարածիւր կոչիչ կարողներ	չկա
22	Զինագործներ (իրացանագործներ)	չկա
23	Չողավոր (մետաքս) կտոր գործողներ	չկա
24	Թաղիքագործներ	թաղիքագործներ
25	Թամրագործներ	չկա
26	Թամրի փայտն կմախքը պատրաստողներ	չկա
27	Թամրի (ավանակի փալանի) խոտե մասը պատրաստողներ	չկա
28	Թել ոյորողներ	չկա
29	Թել ներկողներ	չկա
30	Թիթեղագործներ	թիթեղագործներ
31	Թոնիր շինողներ	չկա
32	Ժանյակ պատրաստողներ	ժանյակ պատրաստողներ
33	Խսաղաղողներ (դարաղողներ)	չկա
34	Լար (կաշվից) պատրաստողներ	չկա
35	Խսավով կտոր գործողներ	չկա
36	Ծաղկողներ	չկա
37	Ծեփագործներ	ծեփագործներ
38	Ծխամորճ պատրաստողներ	չկա
39	Կազմաքարներ	չկա
40	Կարմիր գույնով ներկողներ	չկա
41	Կապույտ գույնով ներկողներ	չկա
42	Կոշկակարներ	կոշկակարներ
43	Կիսակոչիկ կարողներ	չկա
44	Կրմինդրագործներ	չկա
45	Կոշիկի պայտ պատրաստողներ	չկա
46	Կտավագործներ	չկա
47	Հասարակ մետաղից զարդ պատրաստողներ	չկա
48	Համետագործներ	չկա
49	Հին աման հալողներ	չկա
50	Հնակարևատներ	հնակարևատներ
51	Հողաքափ կարողներ	հողաքափ կարողներ
52	Հյուսներ	հյուսներ
53	Հրացանի կայծքար և ձգան պատրաստողներ	չկա
54	Հրացանափող պատրաստողներ	չկա
55	Հրացանի խօսկոք պատրաստողներ	չկա
56	Ճախարակագործներ	ճախարակագործ/չարիսքի/
57	Մազագործներ կամ այծի մազ մանողներ	չկա
58	Մազից պարաներ գործողներ	չկա
59	Մաշկակարներ	չկա
60	Մետաքսագործներ	չկա
61	Մուշտակ կարողներ	չկա
62	Նալ (պայտ) պատրաստողներ	չկա
63	Նուրբ բրոյա գործվածք պատրաստողներ	չկա
64	Ոսկերիչներ	ոսկերիչներ
65	Ոսկեթելից տրեգ պատրաստողներ	չկա
66	Ոսկեթել բանվածք անողներ	չկա
67	Որմնադիրներ	որմնադիրներ
68	Չիթ դաջորներ	չկա
69	Պայտարներ	չկա

70	Պոլինձ (կարսա) պատրաստողներ	պղճագործ /մուշուրքա սարքող/
71	Պղճագործ-աճազապատողներ	չկա
72	Չովիակներ	չկա
73	Սայի անիլ պատրաստողներ	չկա
74	Սանրագործներ	չկա
75	Վառարան պատրաստողներ	թիրենդագործներ
76	Վերնազգեստ (բրոյա) կարողներ	չկա
77	Տախտակ ձևողներ	չկա
78	Տրեխ կարողներ	չկա
79	Փականագործներ	դարրիմներ
80	Փայտի քամք պատրաստողներ	չկա
81	Քարտաշներ	քարտաշներ

**ՆՈՐԱԲԱՌՈՒԹՅՈՒՆՆԵՐ**

1	Գորգագործություն
2	Գորեկենագործություն
3	Տիկնիկագործություն
4	Մաքրան
5	Խաչքարագործություն
6	Կահույքագործներ
7	Կաշվի գեղարվեստական մշակում
8	Հոլոնքագործություն
9	Մետաղի գեղարվեստական դրվագում
10	Փայտի գեղարվեստական փորագրություն

Այսուսակը բույլ է տալիս ակնառու տեսնել մեկ ու կես հարյուրամյակում քաղաքային արհեստների մեջ կատարված փոփոխությունները: Բնակչության կյանքի փոփոխությունները, կենցաղավարման նոր ձևերը, արդյունաբերական ձեռնարկությունների առկայությունն ու արտադրանքի մատչելիությունը և քաղում այլ գործոնները տնտեսությունից դուրս են մեկ նախկինում քարձը զարգացած շատ արհեստներ: Պահպանվել են այն արհեստները, որոնց արտադրանքի պահանջարկը այսօր էլ մեծ է ինչպես քաղաքի, այնպես էլ մարզի գյուղական բնակչության մեջ: Այժմ փորձները ներկայացնել դրանք առանձին-առանձին:

Դարրնությունը կարծես նոր վերելք է ասքում: Ուրախալի է այն, որ արհեստով զբաղվողների գերակշիռ մասը դրա ժառանգական կրողն է, որ գերազանցական ներկայացնում է Գյումրու տոնիմիկ երկարագործների՝ Պատրյամների, Սնոյանների, Մարտիրոսյանների, Գևորգյանների ընտանիքները: Հատկանշական է, որ արհեստով զբաղվում են եղբայրներն իրենց որդիների, հորեղբորորդիների հետ: Զանի որ դարրնությունը պահանջում է անհրաժեշտ տարածք, ուստի նրանք բոլորն էլ ունեն արհեստանոցներն են: Գյումրու դարրինները իմնականում պահպանել են նաև ավանդական տեխնիկա-տեխնոլոգիական հնարքներն ու հմտությունները, սակայն կիրառում են նաև ժամանակակից որոշ նորամուծություններ, մասնավորապես էլեկտրական օդանողիչներ (փուրիք փոխարեն), մեխանիկական մամլիչ-մուրճ (մեծ կռանի փոխարեն): Սիայն Սնոյաններն են, որոնք շարունակում են աշխատել մեծավ մասամբ ավանդական տեխնիկա-տեխնոլոգիական միջոցների ու հնարքների կիրառմամբ: Մարտիրոսյան ընտանիքից վարպետ Գագիկը փորձում է իր գիտելիքները փոխանցել նաև ուրիշների, այսինքն՝ պահում է աշակերտներ, որոնք առայժմ աշխատում են իր արհեստանոցում: Հատկա-

պես գովելի է այն փաստը, որ Գագիկ Մարտիրոսյանը, կարևորելով ու արժելորելով հարազատ քաղաքի արհեստավորական ավանդույթներն ու դրանք հաջորդ սերունդներին փոխանցելու անհրաժեշտությունը, ստեղծում է ուսումնական կենտրոն, որ, բացի դարբնությունից ծրագրել է իրականացնել փայտամշակության, խեցեգործության, գեղարվեստական գործվածքի ուսուցում:

Բավականին մեծ է նաև դարբինների պատրաստած իրերի տեսականին՝ աշխատանքային գործիքներից սկսած մինչև մեծածավալ դարպասներ, ջահեր, բազրիքների, պատուհանների ճաղավանդակներ, կենցաղային ու դեկորատիվ-կիրառական այլ առարկաներ, որոնք հիմնականում պատրաստվում են պատվերով։ Այսօր այդ գործերում նկատելի է նաև գեղարվեստական ձևավորումների բազմազանությունը, որը մեծ պահանջարկ ունի բնակչության հատկապես հարուստ խավերի մեջ։

Դարբինների նշանական ներքին հանդամենտային գործիքներից շատերը գտնվում են հանրապետությունից դուրս։ Պարզվում է, որ մեր վարպետները պահանջված են նաև այլ հանրապետություններում, մասնավորապես Ռուսաստանում։

*Պղմաձագործությունն* այսօր ներկայանում է մի քանի ամեատների գործունեությամբ, որոնցից հիշատակության է արժանի Ժորա Ժամակոչյանը, քանի որ նա ևս ժառանգական արհեստի կրող է (հայրը նշանավոր մուշտիքա պատրաստող Սուրեն Ժամակոչյանն է եղել)։ պատրաստում է Գյումրվա ավանդական արհեծյա ջրաման /մուշտիքա/ հին «պապեմական» եղանակով։ Արհեստին տիրապետում է նաև որդին, սակայն հիմնականում վարպետ Ժորան է ավելի շատ աշխատում։ Այս իրի նկատմամբ ևս վերջերս մեծացել է հետաքրքրությունը, քանի որ այն համարվում է նաև Գյումրու ավանդական կենցաղին բնորոշ առարկա ու հաճախ պատվիրվում է ինչպես օտարազգի, այնպես էլ տեղի հյուրերին նվիրելու համար։

Պղմաձագործության մյուս ճյուղը, որ այսօր առկա է Ծիրակում, մետաղի գեղարվեստական դրվագումն է, որ բնակչության մեջ հայտնի է ոռուերն չեկանկա քառով։ Մրա կրողները փոքրարիկ վարպետներ են, որոնք աշխատում են կան իրենց համար, կան շատ փոքր քանակի արտադրանք տալով, քանի որ դրա պահանջարկը, ցավոք, քիչ է։

*Ուկերչությունն ու արծաթագործությունը* ևս, ինչպես դարբնությունը այսօր կարևոր տեղ են զբացում քաղաքային արհեստների մեջ, և դրանով զբաղվողների քիվը համեմատաբար մեծ է։ Սակայն, ցավոք, նրանցից միայն երկուսն են, որ արհեստի ժառանգական կրողներ են՝ Աշոտ Տարախչյանը և Ցոլակ Կոշտոյյանը։ Ընդ որում, նրանցից Ցոլակ Կոշտոյյանի համար դա հիմնական աշխատանք չէ, այլ կողմնակի գրադարձություն։ Վերջինս, քանի որ պահել է իր պատճի աշխատանքային գործիքներն ու կաղապարները միայն պատվերի դեպքում պատրաստում է Գյումրվա ավանդական զարդեր՝ ապարանջաններ, գոտիներ, մատանիներ ու ականջօղեր։ Ցավոք, շատ սույն տվյալները մյուս ոսկերիչների մասին, սակայն կարենի է փաստել, որ նրանց աշխատանքներում գերակշռում է արդի պահանջներին համապատասխանող, ոչ ավանդական, նորածն, դրաից ներմուծված զարդերի պատրաստումը (հիմնականում ոսկյա շղթաներ)։ Անհատական աշխատանքներ ստեղծող վարպետներն աշխատում են միայն արծաթով ու որոշակի պատվերներով։

Արհեստների մյուս խումբը կազմում է փայտի մշակման հետ կապված արհեստները, այդ թվում *հյուսմ-ատաղճագործությունը, կահույրագործությունն ու փայտի գեղարվեստական փորագործությունը*։ Այս արհեստներից միայն ատաղճագործների մեջ են հանդիպում ժառանգական արհեստը կրողներ։ Նրանցից հիշատակության է արժանի Գուրզեն Պետրոսյանը, որը տոհմիկ ճախարակագործների (չարխոջի) ընտանիքից է։ Վերջինս այսօր էլ շարունակում է աշխատել իր հոր արհեստանոցում ու

օգտագործել նրա գործիքները: Բարձրակարգ վարպետ է Գուրգենը, որը սրբութեան պահում է ավանդական տեխնոլոգիական բոլոր հնարքները և պատրաստում կատարյալ իրեր՝ ընդհուած մինչև նրբառաշ բաժակներ:

Ավելի մեծ թիվ են կազմում կահույքագործները, քանի որ մարզում և հատկապես Գյումրիում կան բազմաթիվ արհեստանոցներ: Դեռևս XIX-XXդդ. ալեքսանդր, կարմիր փայտով աշխատող կահագործների փառքը դուրս էր եկել քաղաքի և գավառի շրջանակներից: Օգտագործելով Սարիղամիշի հայտնի անտառների սամշիդ փայտատեսակը՝ նրանք ստեղծում էին արվեստի իրական նմուշներ հանդիսացող գգեստապահարաններ, գզրոցներ, կոնողներ, հայելու շրջանակներ և այլն, որոնք զարդարում էին քաղաքային բնակարանի ներսույթը: Հիշյալ կահագործ վարպետները շարունակեցին պարապել իրենց արհեստով նաև XXդ. երկրորդ կեսին՝ առավելապես օգտագործելով ընկույզնու փայտը, որից պատրաստված կահույքը բավկական լայն տարածում ուներ մինչև գործարանային մամլարենով և ֆաներայով պատրաստված տեղական և արտասահմանյան կահույքի ներմուծումը տեղացիների կենցաղ: Մեր օրերում կարծես նկատվում են փայտի կահույքի նկատմամբ պահանջարկի մեծացում և կահագործության պահանջական նղանակների վերածնունդ: Ելնելով վերոհիշյալից՝ մեր կազմած ցուցակում ընդգրկվել են միայն այն վարպետները, որոնք աշխատում են փայտով (մնացածները օգտագործում են նորօրյա նյութեր) և կահույքը հավաքում են ճեղքով: Մրանք, բնականարար, փոքր թիվ են կազմում, սակայն ստեղծում են հետաքրքիր աշխատանքներ: Այնուամենային հարկ է նշել, որ պատրաստվող կահույքը ևս, քանի որ արվում է պատվերով ու համապատասխանում է պատվիրատուի ճաշակին, միշտ չէ, որ կրկնում է ավանդական տեսականին և պարունակում է ժամանակակից դիզայնի տարրեր: Կահույքի արհեստանոցներում են աշխատում նաև այն հյուսները, որոնք դուռ ու լուսանուտ են պատրաստում: Նրանց թիվը ևս փոքր է, քանի որ այսօր բնակչության մեջ առավել մեծ պահանջարկ ունեն մետաղապլաստն դրներն ու պատուհանները:

Ավանդական կահույքն ու բնակարանի ավանդական ներսույթը շատ ճաշակով ներկայացված է միայն դարրին Գագիկ Սարտիրոսյանի «Եռանկյունի» կոչվող կենտրոնի ազգային ուսուառող համտեսելու համար առանձնացված հատվածում, որը ավանդականի ու արդիական հաջողված համադրություն է:

Փայտի գեղարվեստական փորագրությունը նորանուտ արհեստներից է, որը կարելի է նույնիսկ արհեստ չհանարել, այլ արվեստ: Դեկորատիվ-կիրառական արվեստի այս ճյուղը՝ որպես առանձին միավոր, Ծիրակում և Գյումրիում չի հիշատակվել, ուստի բացակայում է նաև վերը ներկայացված այլուսակում որպես առանձին արհեստ: Դա չի նշանակում, որ նման վարպետներ չեն եղել առաջ, այլ այն, որ դրանով զրադիվել են այլ մասնագետներ (փորագրիչներ): Ինչ վերաբերում է ցուցակագրված վարպետներին, ապա նրանք միջին ու երիտասարդ սերնդի ներկայացուցիչներ են, ուոնց մի մասը ինքնուս է, մյուսը սովորել է Գյումրու (նախկին՝ Լենինական) գեղարվեստակենսիկական ուսումնարանում, որը մարզի ժողովրդական արվեստի տարրեր ճյուղերի զարգացման գործում էական դեր է ունեցել ու այժմ էլ ունի: Հատկանշական է, որ փայտի գեղարվեստական փորագրության ուսուցում է իրականացվում այսօր ոչ միայն ուսումնարանում, այլև կրթական այլ հաստատություններում, մասնավորապես «Ընտանիք» մանկապատանեկան ստեղծագործական կենտրոնում: Դա նշանակում է, որ կիրառական արվեստի այս ճյուղը զարգացնան նոր հեռանկարներ ունի:

Փայտի գեղարվեստական փորագրության աշխատանքները հիմնականում դեկորատիվ նշանակության իրեր են՝ խաչքարի կրկնօրինակներ, տարրեր չափերի ու ոճավորումների խաչեր, ազգային բնմաներով հարթաքանդակներ, թեմատիկ բոլորա-

քանդակներ և բազմաբույր տարրեր իրեր, որոնք արված են որպես հուշանվեր վաճառքի համար կամ ուղարկի որպես անհատական ստեղծագործության դրամարտում։ Այդ առումով հատկապես հետաքրքիր են Հայկ Տոնյանի աշխատանքները, որոնք բարձրակարգ ստեղծագործություններ են և ընդգրկում են ինչպես մեծերին, այնպես էլ մասնակին վերաբերող թեմաներ։ Փայտի փորագրության վարպետները, որպես կանոն, առանձին արհեստանոցներ կամ շունչն, կամ դրանք տեղակայված են իրենց տան որևէ անլյունում։

Ծիրակի մարզի արհեստների մեջ հնագույն ժամանակներից շատ տարածված են շինարարական արհեստները, որով նրանք հայտնի էին նաև տարածաշրջանից դուրս։ Այս արհեստները, որոնք առանձին ճյուղավորումներով ներկայացնում են ինչպես բուն շինարարության հետ կապված արհեստները՝ քարտաշությունը, պատշարությունը, որմնադրությունը, ծեփագործությունը, այնպես էլ շենքի արտաքին հարդարման հետ կապված քարի գեղարվեստական փորագրությունը, այսօր էլ շարունակում են գերակայել։ Սովորաբար քարտաշները տիրապետել են նաև գեղարվեստական փորագրության հմտություններին։ Ալեքսանդրապոլ քաղաքի նորակառույց շենքերի գեղարվեստական հարդարումն այն հիմքն է, որի վրա զարգացել է ժամանակակից քարտաշությունն ու փորագրությունը։ Իր էությամբ շինարարական արհեստները շրջիկ են՝ այսինքն՝ դրանք չեն պահանջում կոնկրետ տարածք (արհեստանոց), ինչը պարտադիր է այլ արհեստների համար։ Դա է պատճառը, որ արհեստավորները հնուց անոնի պտտվել են երկրով մեկ՝ պատվերներ կատարելու համար։ Այսօր էլ, ինչպես խորհրդային տարիներին, նման վարպետները մեծավ մասսամբ աշխատում են իրենց բնակավայրերից դուրս, հատկապես Ռուսաստանում։

Ինչ վերաբերում է Գյումրու վարպետներին, ապա նրանց մի մասն է քաղաքում աշխատում հիմնականում մասնավոր պատվերներ կատարելով։ Դրանց մեջ մեծ թիվ են կազմում նաև փորագրուները, որոնց աշխատանքը կարելի է տեսնել Գյումրու վերջին տասնամյակում կառուցված շենքերի ճակտոններին, քիչերին ու այլ հատվածներում։

Ծիրակի մարզի քարագործության մեջ նոր երևույթ է խաչքարագործությունը, որը մեր օրերում մեծ տարածում է գտնել։ Դա պայմանավորված է ազգային արժեքների նկատմամբ նոր պահանջով՝ հատկապես երկրաշարժից հետո, երբ խաչքարը դարձավ հուշարձանի անենարկնունքած ու սիրված ձևը (կապված է նաև խաչքարը որպես գերեզմանաքար դմելու մերօրյա սովորություն հետո)։ Դիտանցման նյութերը վկայում են արվեստ-արհեստի այս ճյուղի տարածվածությունը ոչ միայն քաղաքում, այլև գյուղերում, ինչը դրական երևույթ է։

Արհեստների մյուս խումբը կազմում է գեղարվեստական գործվածքը՝ ասեղ-նագործությունը, ժամենակագործությունը, եղուունքագործությունը, գորգագործությունը, կարպետագործությունը, գորեկենը, մաքրամեն։ Սրանք բոլորն էլ դիկորատիվ-կիրառական արվեստն են ներկայացնում, սակայն գորեկենն ու նաքրամեն խորհրդային տարիներին են մոտք գործել կենցաղ։ Վերը բերված աղյուսակում ընդգրկված են միայն ասեղնագործությունն ու ժամենակագործությունն, քանի որ դրանք Ծիրակի մարզում և հատկապես Գյումրիում ավանդաբար շատ տարածված ու զարգացած արհեստներ են եղել։ XIX դարավերջին և XX դարասկզբին քաղաքում հայտնի վարպետներին ճանաչում էին անվանական։ Արվեստի այս ձևերը, ինչպես ցույց են տալիս դիտանցման նյութերը, որոց փոփոխություն են կրել, պակասել են դրանցով զբաղվողները, քչացել է տեսականին, փոխվել է գեղազարդման համակարգը։

Գորգագործությունն ու կարպետագործությունն բացակայում են աղյուսակում, քանի որ դրանք տնայնագործական բնույթ էին կրում ու ավելի տարածված էին գյուղե-

ուսմ, քան քաղաքում (իսկ ցուցակը վերաբերում է քաղաքին): Այդ պատճառով դրանք ներկայացվել են նորանուս արհեստների ցանկում գործենին ու մաքրամեխ հետ, չնայած որ, ինչպես ասվեց, Ծիրակում ունեն վաղնջական արմատներ: Յավոր, այսօր զորգագործ-կարպետագործ վարպետների թիվը սակավ է, իսկ զյուղերում իսպառ բացակայում է, քանի որ այդ արհեստն այլևս պահանջարկ չունի: Քաղաքում աշխատողները իրենց հմտությունները ձեռք են բերել ժամանակին քաղաքում գործող Հայոցի մասնաճյուղ հանդիսացող գորգագործական ֆարրիկայում աշխատելու տարիներին: Այսօր նրանք գործում են վորք չափերի դեկորատիվ գորգեր ու կարպետներ՝ ավանդական տեխնիկայով ու զարդանախչերով, որոնք վաճառում են հուշանվերների սալոնում: Զեռագործ գորգի պահանջարկի պակասը, սակայն չի խանգարում, որ Գյումրու երկու կրթական հաստատությունում՝ «Ընտանիք» կենտրոնում ու Ազգային գեղագիտության կենտրոնում երեխաներին սովորեցնեն այս արհեստները:


Կիրառական արվեստի նորանուս երկու ձևից (գորելեն ու մաքրամեն) մեծ տարածում է ստացել գորելենը (խոսքը վերաբերում է ասեղով արված տեխնիկային), ինչը բացատրվում է նրանով, որ այն համեմատաբար հեշտ կատարվող է և արագ յուրացվող: Երեխաները հատկապես սիրով են աշխատում այս տեխնիկայով ու պատրաստում տարբեր թեմաներով դեկորատիվ աշխատանքներ, որոնք, բնականաբար, թեմատիկ առումով հաճախ հեռու են ազգայինից: Դա չի նշանակում, որ բացակայում են հայրենասիրական թեմաներով գործերը, սակայն դրանք մեծ թիվ չեն կազմում:

Նորանուս արհեստների մեջ շատ հետաքրքիր է կաշվի գեղարվեստական մշակումը: Կաշեգործությունը նոր արհեստ չէ, սակայն այս դեպքում խոսքը գնում է արդեն մշակված կաշվի գեղարվեստական մշակման մասին, որն իրավամբ նոր երևույթ է: Արհեստը ներկայացնող վարպետը՝ Հմայակ Նիկոլյանն իր որդու հետ պատրաստում է դեկորատիվ տարբեր իրեր՝ գրքի կազմեր, դրամապանակներ, ակնոցի ու բջջային հետախոսի պատյաններ, պատիք կախելու թեմատիկ աշխատանքներ՝ հասարակության տարբեր խավերի ճաշակին հանապատասխան: Մեծ մասմբ դրանք աստվածաշնչյան թեմաներով են արված, սակայն կան նաև ազգային թեմաներով առանձին գործեր: Այս արհեստը նա ինքնուրույն է սովորել՝ կարդալով համապատասխան գրականություն:

Ժամանակակից դեկորատիվ-կիրառական արհեստների շարքում, անշուշտ, որպես նորարարանություն կարելի է համարել նաև տիկնիկագործությունը: Հայկական ավանդական տիկնիկ-պուարիկները պատրաստվել են տնայնագործական եղանակով հիմնականում կանանց կողմից, որպես խաղալիք կամ որոշակի տոնածիսական գործառույթ ունեցող պարագաներ: Մեր օրերում տիկնիկների պատրաստումը բարձրացել է պրոֆեսիոնալ աստիճանի, իսկ տիկնիկները չունեն նախկին տոնածիսական և հավատալիքային գործառությունը: Դրանք պատրաստվում են գեղարվեստական սալոններում վաճառվելու նպատակով, և մի մասը ներկայացնում է որոշակի թեմատիկա: Օր սիրված դերասան Սիեր Սկրտչյանի մարմնավորած տարբեր դերերի ոճավորված պատկերներ, հաճախ նաև ազգային տարագ հիշեցնող պուարիկներ:

Ծիրակի և ի մասնավորի Գյումրու արհեստների ուսումնասիրությունը բույլ է տալիս եղրակացներ, որ չնայած բոլոր փոփոխություններին, արհեստների բազմաթիվ ճյուղերի վերափոխումներին՝ այս տարածաշրջանում մայր արհեստներից շատերը պահպանվել են և պետական ու հասարակական որոշակի աջակցության շնորհիվ կառող են զարգացման նոր մակարդակ գրանցել՝ հնարավորություն տալով նաև լուծելու սոցիալական բազմաթիվ խնդիրներ:

ՇԻՐԱԿԻ ՄԱՐԶԻ ԱՐՀԵՍՏՆԵՐԸ (2012թ. ԴՐՈՒՅԹՆԱՄԲ)



**РЕМЕСЛА ШИРАКА  
(по материалам мониторинга 2012г.)**

— *Резюме* —

— *К. Базаян* —

В статье обобщены данные, собранные в Ширакском марзе, касающиеся положения дел в сфере ремесел и кустарных промыслов. Результаты мониторинга показывают, что в некогда богатом ремеслами Шираке, и особенно в Гюмри, сохранились в основном традиционные отрасли ремесел: металлообработка, камнетесение, деревообработка, рукоделие и др. Вместе с этим появились новые, до недавнего времени не характерные для региона, виды ремесел, которые вошли в обиход благодаря существованию в Гюмри профтехнических училищ художественного направления. Автор вкратце описывает положение дел в традиционных и новоявленных ремеслах и производит сравнительный анализ с помощью соответствующей таблицы. К статье прилагается карта распространения ремесел в Ширакском марзе.